

ՄԱՏՈՒՐ ՊԱՎԵԼԻ ԱՂԱՅԱՆ

Օռվհտական պատմագիտությունը ծանր կորուստ կրեց. դեկտեմբերի 3-ին կյանքից հեռացավ նրա կարկառուն դեմքերից մեկը՝ ՀՍՍՀ ԳԱ ակադեմիկոս, պատմական գիտությունների դոկտոր, պրոֆեսոր Մ. Պ. Աղայանը:

Մատուր Աղայանը ծնվել է 1912 թ., Գանձահի նահանգի Փիփի գյուղում: Կիրովաբադի մանկավարժական ուսումնարանն ավարտելուց հետո երիտասարդ Մ. Աղայանը հայրենի Արցախում մի քանի տարի նվիրվում է մատաղ սերնդի դաստիարակության գործին: 1933—1937 թթ. նա ընդունվում է գերազանցությամբ ավարտում է Միության ժամանակի հասարակագիտական նշանավոր հաստատություններից մեկը՝ Մոսկվայի պատմության, փիլիսոփայության և գրականության ինստիտուտը, իսկ 1938—1941 թթ.՝ Լոմոնոսովի անվան համալսարանի ասպիրանտուրան, որտեղ էլ 1941 թ. պաշտպանում է թեկնածուական դիսերտացիա:

1941—1948 թթ. Մ. Աղայանը գիտամանկավարժական աշխատանք է կատարում Բաքվի մանկավարժական ինստիտուտում, համալսարանում և Ազրբեջանական ՍՍՀ ԳԱ պատմության ինստիտուտում: 1948 թ. Երևան տեղափոխվելուց հետո սկսվում է գիտնականի գիտամանկավարժական և կուսակցական-հասարակական գործունեության արգասավոր շրջանը: ՀՍՍՀ ԳԱ պատմության ինստիտուտի բաժնի վարիչ, ՄԼՖ-ի հայկական մասնաճյուղի դիրեկտոր, ՀԿԿ Կենտկոմի գիտության և կուլտուրայի բաժնի վարիչ, ՀՍՍՀ ԳԱ հասարակական գիտությունների բաժանմունքի ակադեմիկոս-քարտուղար, «Լրագրի հասարակական գիտություններ» ամսագրի գլխավոր խմբագիր, Երևանի պետական համալսարանի կուսակցության պատմության ամբիոնի վարիչ—սա սոսկ ոչ լրիվ թվարկումն է այն պաշտոնների, որոնք սրտի և հոգու ողջ նվիրումով վարել է Մ. Աղայանը, միաժամանակ մինչև կյանքի վերջին պահն իսկ մնալով անդադրում գիտնականի ու մանկավարժի պատվավոր դիրքերում:

Լայն է Աղայան-պատմաբանի թեմատիկ ընդգրկումների շրջանակը: Քաղաքացիական և հայրենասիրական շնչով գրված նրա մենագրությունները արժարժում են բազմաբնույթ և տարածեսակ խնդիրներ, ցեմենտվելով այն ուղղությունների մեջ, որոնց էությունը հայ ժողովրդի սոցիալ-տնտեսական և քաղաքական զարգացման պատմությունն է նոր և նորագույն ժամանակներում: Նա մնայուն մենագրություններ է թողել հայ ժողովրդի նշված ժամանակաշրջանների պատմության այնպիսի կարևոր բնագավառների հետազոտման ուղղությամբ, որպիսիք են Հայաստանի և Անդրկովկասի ազդարարյին հարաբերությունների, բանվորադուլաացիական հեղափոխական շարժումների, Հայաստանի կոմունիստական կազմակերպությունների, Անդրկովկասի



ժողովուրդների դարավոր բարեկամության, հայ-ռուսական հարաբերությունների, հայ ժողովրդի ազատագրական պայքարի հարցերը: Թեմատիկ ծավալուն ընդգրկումը երբեք չի խնդարել նրան հրապարակ հանելու խոր վերլուծություններով և ընդհանրացումներով հարուստ աշխատություններ: Ընդհակառակը, նրա հմուտ գրչի տակ փայլուն դրսևորում են գտել այն աղերսները, որոնք այս կամ այն լսվող հատուկ են նշված թեմաներին: Դա երևում է նրա գրեթե բոլոր գործերում՝ վկայելով հեղինակի պատմագիտական թեմաների ընտրության լայնախոհ մոտեցումը:

Ս. Պ. Աղայանի վերլուծական մտքի և տիտանական աշխատասիրության փայլուն արձագանքն են «Ազրաբայի ռեֆորմը Ադրբեյջանում», «Հեղափոխական շարժումները Հայաստանում 1905—1907 թթ.», «Հոկտեմբերյան հեղափոխությունը և հայ ժողովրդի ազատագրումը», «Մեծ Հոկտեմբերը և Հայաստանի աշխատավորության պայքարը սովետական իշխանության հաղթանակի համար», «Անդրկովկասի ժողովուրդների դարավոր բարեկամությունը», «Ռուսաստանի դեմը հայ ժողովրդի պատմական ճակատագրում», «Հայ ժողովրդի ազատագրական պայքարի պատմությունից» և այլ մենագրություններ: Դրանք, իրավամբ, սովետահայ պատմագիտական մտքի վերջին երկու-երեք տասնամյակի խոշոր նվաճումներից են և հույժ արժեքավոր ներդրում նրա ոսկե ֆոնդը: Միաժամանակ այդ աշխատությունները կենդանի վկա են պատմագիտական և աղբյուրագիտական այն վիթխարի աշխատանքի, որով օժտված են լինում գիտության նվիրյալներից միայն քերեր:

Համբավավոր պատմաբանին մեզանում և սփյուռքում մեծ մասսայականություն բերեց մասնավանդ «Հայ ժողովրդի ազատագրական պայքարի պատմությունից» ծավալուն մենագրությունը (1976 թ.): Աշխատության մեջ փաստական հարուստ նյութի ընդգրկմամբ, մասնավանդ նրա համակողմանի քննմամբ ուսումնասիրված են հայ ժողովրդի ազգային-ազատագրական պայքարի սոցիալ-տնտեսական և քաղաքական պատճառները, նրա ընթացքն ու զարգացման փուլերը, ելևէջները, դառնաղետ իրականության հետ այդ շարժման ունեցած բախումները և դրանց հուսահատ անդրադարձումները: Հայ ժողովրդի ոչ հեռավոր անցյալի մաքառումներն ու հերոսապատումներն արժարժող այս մենագրությունը, հարցերի գիտական ընդգրկման խորությամբ հանդերձ, դարձավ ընթերցող ամենալայն շրջանների սեղանի գիրքը:

Բնությունը Ս. Աղայանին օժտել էր գիտության մեծ կազմակերպչի տաղանդով: Նրա պնդյալան մասնակցությունը, ղեկավարությամբ կամ էլ խմբագրությամբ հրապարակ են հանվել կոլեկտիվ շատ աշխատություններ, և դրանց թվում առաջին հերթին նշելի են Հայաստանի կոմկուսի պատմության ուրվագծերը, հայ ժողովրդի պատմության ակադեմիական 8-հատորյա հրատարակության 5, 6 և 7-րդ հատորները, «Արևելյան Հայաստանի միացումը Ռուսաստանին» փաստաթղթերի ժողովածուի երկու հատորները և այլ գործեր:

Ս. Աղայանը անցել է մանկավարժական աշխատանքի բեղմնավոր ուղի՝ բառիս ամենալայն իմաստով: Իր մանկավարժական գործունեությունը սկսելով դպրոցական ուսուցչի պաշտոնից, նա հասավ բարձրագույն դպրոցի պրոֆեսոր-դասախոսի պատվավոր աստիճանին: Տարիներ շարունակ նա պատմագիտական առարկաներ է դասավանդել հայկական դպրոցներում, Ադրբեյջանի և Հայաստանի բարձրագույն ուսումնական հաստատություններում: Նրա ձեռքի տակ աճել են մի քանի տասնյակ գիտնական-պատմաբաններ, որոնցից շատերը գիտության թեկնածուներ են, դոկտորներ, կուսակցական ու պետական ճանաչված աշխատողներ: Նրանք բոլորն էլ խորին երախտագիտությամբ են հիշում իրենց գիտական դաստիարակին, որը իսկական մեծերին հատուկ հոգատարությամբ ու համբերատարությամբ, մարդկանց, մասնավանդ իր սաներին օգնելու և աջակցելու լայնահուն մարդկային խառնվածքով և ասպնջական բնավորությամբ արժանացել էր բոլորի խորին հարգանքին և ջերմ սիրուն:

Կուսակցությունն ու կառավարությունը բարձր են գնահատել ակադեմիկոս Ս. Աղայանի ծառայությունները, նրան պարգևատրելով Աշխատանքային կարմիր դրոշի և «Պատվո նշան» շքանշաններով, մեդալներով ու պատվոգրերով: Նրան շնորհվել է ՀՍՍՀ Գիտության վաստակավոր գործիչ կոչում, նա ընտրվել է ՀԿԿ Կենտկոմի անդամ, ՀՍՍՀ Գերագույն սովետի դեպուտատ:

Ս. Աղայանը մեզանից հեռացավ իր արգասավոր գործունեության բուռն շրջանում, երբ Հրատարակման ընթացքի մեջ են նրա հեղինակած հայ ժողորդի պատկերադարձ պատմություններ, հայ ազատագրական շարժմանը նվիրված երկրորդ մենագրությունը և իր լույս ընծայմանն է սպասում Սարդարապատի հերոսամարտին նվիրված նրա ծավալուն գործը՝ Ավաճ, նրան շվինակվեց հրապարակի վրա տեսնելու իր վերջին տարիների սրտամաշ աշխատանքի առհասարակ հանդիսացող այդ գործերը։

Ակադեմիկոս Ս. Պ. Աղայանի՝ ականավոր պատմաբանի, ջերմ հայրենասերի, ազնիվ քաղաքացու, հմայիչ մարդու հիշատակը միշտ վառ կմնա նրա ընկերների, բարեկամների, աշակերտների ու ծանոթների և բոլոր նրանց սրտերում, ում համար թանկ է գիտության ազնիվ նվիրյալների ծառայությունն իրենց հարազատ ժողովրդին։

ԳԱԼՈՒՍՏ ԳԱՆՈՑԱՆ
ՎԱՐԴԳԵՍ ՄԻՓԱՅԵԼՅԱՆ
ԱՐՅԷԼ ՍԻՄՈՆՅԱՆ

«Լրաբեր հասարակական գիտություններին» ամսագրի խմբագրական կոլեգիան և խմբագրությունը խոր վիշտ են ապրում ՀՍՍՀ ԳԱ ԽԿԱԳԵՄԻԿՈՍ, ԿԱՍԱԳՐԻ ՆԱԽԵԼԻՆ ԳՂԽԱՎՈՐ ԽՄԲԱԳԻՐ և խմբագրական կոլեգիայի անդամ, սովետական ճշանավոր պատմաբան Մառուտ Պավելի Աղայանի մահվան առթիվ։